



Шочмо эл, порылык да чын верч!

Будь готов!

32-шо (3576) №,
2022 ий 12 август,
кугарня.



Ямде лий

1933 ий 1 февраль годсек лектеш.

0+

Зарядкыш рын шогалына



Фотом еш архив гыч налме.

ПОДПИСКЕ

Икыт, кокыт, кумыт, нылыт. Кидым күшкө, шолаш-пурлаш. Йыр шогалын төрштылаш, каналташ, куржталышташ... Тыге Медведево посёлкысо 2-шо номеран школышто физкультурым тунуктышо В.В.Платунова кажне кечым йоча-влак дене пырля зарядке гыч тунгалеш. Тунемме идалыкыште школышто пашам ышта. Кенгежым «Кооператор» йоча лагерьыште тырша. 13 август – Физкультурникын кечыже. Ты кечым Валентина Вячеславовна спорт дене кылым кучаш йоратыше-шамыч дене пырля эртар.

– Таза капыште – таза чон, маныт. Чон таза лийже манын, спорт дене кылым кучыман. Ёдыр-рвезе-влакымат тидлан тунуктем. А кенгежым пүртүс лонгаште шуаралташ утларак сай (снимкыште), – ойла Валентина Вячеславовна.

Е.ИВАНОВА.

«Ямде лий» газетлан
кажне тылзын
15-ше числа марте
возалташ вашкыза:

podpiska.pochta.ru сай-
тыште але «Почта России»
мобильный при-
ложений гоч;

верласе
связь отделе-
нийлаште
(почто).



Рекламе.

Индекс – П4696.



Сылнымут вашлиймаш

4-6 августышто Шернур кундемыште «Кенеж сылнымутчо» республикысе семинар эртаралтын. Тудо сылнымутым йоратыше-влакым ушен (снимкыште). Нунын коклаште мыланемат лияш пиал шыр-гыжалын. Ме Шернур кундемыште почшо серызе-шамыч: В.Бердинский, З.Ермакова, С.Григорьева, А.Мокеев – дене вашлийынна. Тыгак журналист, сүретче, тоштер паша-

ен-влак дене палыме лийынна. Семинарыште шке тангаш самырык ен-шамычым ужаш поснак куанле лийын. Тиде Кужэнгер район Тумнымучаш ял гыч Ольга ден Венера Глушковамыт, 1-ше номеран Шернур школ гыч Аня Прохорова. Ме сылнымут пашаште ончыкыжымат «шолаш» товатлена.

Дмитрий ВЕДЕНЬКИН.
1-ше номеран Шернур школ.

Историйым шергалына

Александр Васильевич Суворовын вуйлатыме руш войска Чови ола воктене француз-влакым кырен шалатен.

1799 ий 15 августышто генерал-фельдмаршал

15 гыч 26 август марте йоча сату да школ арверын качествыж ден лүдыкшыдымылыкшө шотышто шокшо линий пашам ышта. Роспотребнадзорын Марий Эл Республикысе управленийышкыже **68-19-44, 8-800-707-61-77, 68-19-21, 68-19-04** номерла дене йынгыртен, йодышым рашемдаш лиеш.

Увер



Мүй – ЭМ

14 август – Мүй спас.

Марий калык ожнысек мүйкшым ончен. Мемнанат мүйкшна ятыр ий уло. Мыланем тиде паша онайын чучын. Куд ияшем годым ачамлан полшаш тўналынам. Мый тудын пелен шогем да, мүйкшынже пўшкыл манын, шикшым луктам. Мүйымат тулаш полшем (снимкыште). Тушто могай гына витамин уке?! Арам огыл калыкыште ойлат: «Мүй – чыла эмлан эм».

Егор СОЛОВЬЁВ.
Кужэнгер, Саламатнур.

Российысе увер

Понгым погеда, войзаш йоратеда? Фотографийдам «Грибная охота» фотоконкурсышко **10 сентябрь марте** колтыза. Тўрыс уверым foto-konkursy.ru сайтыште лудса.

Кажне кумылан ег «Самый главный на дороге – наш товарищ Светофор» тўнямбал усталык конкурсышто мастарлыкшым терген кертеш. Сочиненийым возаш, сўретлаш, почеламутым лудаш, поделкым, презентацийым да молымат ышташ лиеш. Тўрыс увер – konkursydetyam.ru сайтыште.

1-11-ше класслаште тунемше, туныктышо, воспитатель, книгагудо пашаен-влакым «Сундучок со сказками» всероссийский конкурсыш ушнаш ўжыт. Сўретым **28 декабрь марте** seraya-caplya@yandex.ru адрес дене электрон почтыш колтыман.

Марий Элысе увер

10 августышто Йошкар-Оласе **Национальный тўс сымыктыш галерейыште** тўрлө сымыктыш произведенийыште ончыкталтше йомак-влаклан пөлеклалтше проект почылтын. Руш йомакысе герой-шамыч дене моторын войзалташ йон уло. Ончер **28 август марте** шуйна.

Йошкар-Оласе 29-ше номеран школ пелен «Кванториум» йоча технопарк лиеш. Тудо «Образование» национальный проекттын «Современная школа» федерал проектше радамаште почылтеш. Биологий, химий, физике да технологий дене шинчымашым келгемдаш полша.

Марий Элысе кок тоштер тунемме төнежласе музей-влакын «Культурный маршрут» всероссийский конкурсышкышт ушнен. Нунылан schoolvictorymuseum.ru сайтыште **1 октябрь марте** йўклаш лиеш.



Илыш куткышуэ семын шолеш

Марий Элысе кажне гаяк школышто Школьник-влакын Российысе толкынышт пашам ышта. Кужэнгер район Руш Шой школыштат илыш куткышуэ семын шолеш. Тиде толкын уста туныктышо ден 5-11-ше класслаче чолга тунем-ше-влакым (снимкыште) ушен. Кураторышт — директорын воспитаний паша шотышто алмаштышыже Н.Г.Иванова. Тудо кушкын толшо тукымым айдеме семын шуараш тырша, шочмо элым йөраташ туныкта, мер пашашке ушнаш тарата.

— *Ўдыр-рвезе-влак чылан чолга улыт. Но нунын коклаште лидер-шамычым палемдыде ок лий. Тиде Ольга ден Полина Макаровамыт, Тамара Кудрявцева, Ольга Домрачева, Анна Крылова, Дина Платунова, Анна Петрова, Никита Куклин, Артур Пудов. Нуно школышто тўрлў мероприятийым, акцийым, флешмо-бым эртараш полшат, — ойла Надежда Геннадьевна.*

Паша лектышышт изи огыл. Школьник-влакын российысе толкыныштын эртарыме слётышкышт ий еда ушнат. Ёмаште «Медиа-хакатон РДШ» фестивалыште районын чапшым араленыт. «РДШ — Территория самоуправления» всероссийский конкурсышто мастарлыкыштым ончыктеныт. «Мы команда РДШ



Изи ошкыл — кугу сенымаш

Республики Марий Эл» республикысе конкурсышто кокымшо лийыныт. Сертификатыштым шотлен от пытаре!

— *РДШ йоча-влаклан икеништым тўрлў аланыште тергаш йўным ышта.*

Тыште кажне еп чонжылан келшыше пашам муын кертеш. Шукынжо организатор семынат кушкыт, — ойла Надежда Геннадьевна.

Х.АЛЕКСАНДРОВА.

Фотом школ архив гыч налме.

«Сэлэтыште» лийынам



Фотом еш архив гыч налме.

Мыланем самырык-влакын «Сэлэт» тўнямбал форумыштышт лияш пиал шыргыжалын (снимкыште). Ты смене «Эколидеры РДШ» маналтын. Форумышто латныл регион гыч тўжем наре ўдыр-рвезе лийын. Ме экологийын тўрлў йодышыжым кузе рашемдыме нерген пален налынна. Кумдан палыме еп-влак дене вашлийынна, экскурсийыш коштынна. Татарла саламлалтынна, девизнат ты йылме дене йонген. Тыгай форумым мемнан дене эртараш кўлеш. Тунам йоча-влак шочмо йылмым утларак пагалаш тўналыт, шонем.

Елизавета МОСКАЛЕВА.

Семёновка селасе

21-ше №-ан школ.

Российысе просвещений

Конкурс

министерстве Школьник-влакын российысе толкынышт дене пырля «Школа. Непридуманные истории» всероссийский конкурсым увертарен. «Школа — маленькая жизнь», «Приключения в школе и дома», «Записки под партией», «Записки на полях» але «Бумажный самолетик» тагасым ойырен, пашам 31 август марте колтыман. Сенгыше-влаклан — «Артек» тўнямбал йоча рўдерыш пўтёвко. Тўрыс увер — edu.gov.ru сайтыште.

Ик кўргў вий дене нимом ыштен от керт. Тушко тунеммашым шарет гын, сеҕет...

М.ШКЕТАН.





Шкем аралыман

Мый спорт дене пенгыде кылым кучаш тыршем: зарядкым ыштем, мече дене модам, куржталам. Тыгодым чын кочкам. Мыйын шонымаште, спорт дене йолташ лийман. Тудо капкылым шуара, вийым ешара. Рвезе-влак поснак писе, тале, патыр лийшаш улыт. Ёдыр-шамычат вараш кодшаш огытыл. Кызытсе илышыште шкем арален моштыман. А те спортлан шўман улыда?

Юля ЯГОДАРОВА.

Советский, Кельмаксола.

Сенгымаш

Ульяновск кундемысе Новая Майна посёлкышто **картинг дене** всероссийский соревнований эртаралтын. Тушко Российын түрлө кундемже гыч 50 наре пилот ушнен. Йошкар-Оласе да Советский посёлкысо спортсмен-влак **кокымшо верыш** лектыныт.

Кугу кўкшыт вуча

Эдгар изам (снимкыште) Пүрө оласе техникумышто шинчымашым пога. Тунемме деч вара тренировкыш коштеш. Кенегым куржталыштыт, пикш дене лўйкалат, телым ече дене мунчалтат. Ачери-биатлон дене кодшо ийын палыме лийын. Спортын ты видше нерген икымше гана колыда, очыни. Тиде ече дене мунчалтымаш да пикш гыч лўйкалымаш лиш. Изам түрлө тагасымаште вийжым терген. Сенгышыш лектын огыл гынат, кумылжо волен огыл. Эдгарым кугу кўкшыт вуча манын ўшанем.

Ксения АХМАДИШИНА.

Пошкырт, Мишкан, Ардаш.



Фотом еш архив гыч налме.

Ялыште кажне кече – спорт

Изаак-шоляк Кирилл ден Матвей Мустаевмыт (снимкыште) дене Шернур район Кугу Мушко ялыште палыме лийна. Нуно шкешт посёлкышто илат. Кенегж каникуллан ковашт дек унала толыныт ыле. Матвей 1-ше номеран Шернур школын кудымшо классшым тунем пытарен, Кирилл – латкымшым. Изиракше спортлан моткоч шўман.



Авторын фотожо

– Физкультур урок эн чот келша. Мемнам Роман Феликсович Кузнецов туныкта. Урокышто уло кумылдын куржталына, футбол, баскетбол, волейбол дене модына. Телым ече дене пикшла чымена. Спорт туризм да ориентирований дене тагасымашлаште вийнам тергена, – ойла Матвей.

Районысо соревнованийлаште сенгымашыже шагал огыл. Мутлан, йолташыже-влак Максим Вершинин, Павел Созонов дене спорт ориентирований дене «Первоснежник» тагасымаште кокымшо вер дене палемдалтыныт.

Кирилл изажат капкылжым кажне кечын шуара. Эрдене эрак помыжалтын, зарядкым ышта. Яра жапыште куржталеш.

Пагалыме юнкор-влак, спортын могай видше дене кылым кучеда?

Йоратыме спортсменда уло? Тидын нерген редакцийышке возен колтыза.



– Коваланна шудым ямдылаш полшена. Солена, удирена, мотоблок дене шупшыктена, вўтамбаке кышкена. Тидым ялысе физкультур манаш лиш. Тылеч посна куржталышташ коштам, – ойла Кирилл.

Рвезе-влак ончыкылык салтак улыт. Спортын кўлешлыкшым раш умылат да кажне кечын у сенгымашлан ямдылалтыт.

Х.АЛЕКСАНДРОВА.

Ачам дене пырля

Кастене ачам дене пырля капкылнам түрлө семын шуарена. Мый приседанийым ыштем, шпагатыш шинчаш тыршем. Ачамын кидше виян. Мыняр шуко отжиманийым ыштен кертеш?! Эсогыл шотлен ном. Тудым сенгаш шонен, мыят пашалан пижам. Коло утла деч вара ном. Изиш каналтымеке, стадионышко куржталаш каена. Йолташем-влакымат ўжам. Нунын дене пырля шкешотан тагасымашым эртарена.

Алина СУББОТИНА.

2-шо №-ан Морко школ.

Чон йодмым шуктен, пиалым муат

Башкортостан Республикасысе Уфа олаште илыше Хазиевмыт ешым (снимкыште) мўкш гай пашаче манам гын, йоңылыш ом лий. Нуно кугу олаште илат. Ача-ава икшывышт дене каныш кечылан шочмо верышкышт, Мишкан район Кугу Соказа ялыш, вашкат. Коча-ковалан мўкшым ончаш полшат. Озавате Виктория Вениаминовна — амалкалче. Тудо мўйым ужала.

Чон шочмо верыш ўжеш

– Йолгорно кеч-кушко наҗгая гынат, чон эре шочмо верыш шупшеш, – ойла Виктория Вениаминовна. – Санкт-Петербург олаште кок ий илымеке, башкир мландын сьорал пўртўсшым нимо дене таҗастараш огеи лий маньн, раш улыленам. Кугу ола шке селынже сымьстарен гынат, марий вўрем шке кундемьш ўжын.

Виктория ден Рамиль Хазиевмытым пўрымаш мьнгеш шочмо верыш конден. Кызыт ача-авашт деч тораште огыл шкаланышт пьртым чонат. Рамиль Вилевич пашалан чулым. Йьоратыме ешыжым у пьртыш писынрак илаш пурташ маньн, йьдшь-кечыже тырша. Виктория пелашыже – тудын пурла кидше. Суртышто лекше чыла сомылым ик ойыш шуын ыштат. Кок икшывым, Камила ден Арианам, ончен куштат.

Кок ўдыр – кок пеледыш

Кугурак ўдырышт – Камила. Уфа олесе 38-ше номеран школын кудымшо классышкыже вончен. Тудо аван эн кугу полышкалышыже. Кочкаш шолта, пьрткьргым эрыкта. Виктория Вениами-

новналан мўйым ужалаш полша. Камила марий улмыж дене кугешна. Школышто марла эртаралтше мероприятиялаш марий вургем дене коштеш. Марла мураш, почеламутым лудаш йьората. Яра



Фотом еш архив гыч алме.

жапыштыже тамлын ўпшышь шовыным ышта. Икте кампеткыла коеш, весе – кугымьрла. Тьрль тьсан пеледышыже чылт илыше гай.

Ариана икымше классыш каяш ямдылалтеш. Сумкашке тетрадьым, ручкам да моло арверым шукертак оптен ямдылен. Акаж гаяк чолга, марий



шўлышан кушкеш. Изи ўдыр моторын сьуретла. Сьуретше-влак йочасадысе, мьнгысь пьрдыжлам сьорастарат. Районысо конкурслаште чапкагаз дене ятыр гана палемдалтын. Ю.А.Гагарин лўмеш кубок верч республикысе олимпиадыште сенгымьжлан отличий значокым кучыктеныт.

Йьулам пагалат

Камила ден Арианалан ковашт марий тувырым шукертак урген да тьрлен пуэн. Самырык вате-марий икшывыштым марий ден татар калык-влакын тьвырашт дене изинек палымым ыштат. Сабантуйлан татар ялыш каят гын, Кугече, Семьк пайремлан – марий ялыш. Пайрем чесым ямдылыме, сортам чўктымь годым йоча-влак пеленышт лийышт маньн тыршат. Кугурак-шамычын пелештымьштым колын, йьулам шуктымьштым ужын, вес гана шкештат тыгак ышташ тьналыт, шонат.

– Башкортостан кундемьсе вершьр сылне. Ме еш дене тьрль вере коштына, шочмо кундемьм йьораташ туньктена. Камила ден Ариана марий улмышт дене эре кугешнаш тьналыт маньн ўшанена, – ойлат самырык вате-марий.

Е.ИВАНОВА.

Эн поро, эн шыма

Пиалан аваамын вуйжо корштымь годым воктечше ом коран. Кертмем семьн корштымьжым луштарем. Шўлыкан гын, юзо виан шомаклам ойлем: «Пашаче аваем, мьй тьйым нигь деч чот йьоратем. Шокшо кече семьн ырыктет. Тьй дечет посна илашат ок лий. Аваем, эн поро, мотор, шыма, ушан улат».

Алина КОСАРЕВА.

У Торьял, Токтарсола.

Ачай

Лий, ачай, таза, чолга, Илыш тек куандара. Тьйым пешак пагалем, Тьй денет мьй кугешнем.

Максим БЕЛЯЕВ.

Йошкар-Ола,
Национальный
сымыктыш гимназий.





Түрым шымлат, вургемым ыштат

– Марий вургем моторлыкшо, ойыртемалтше улмыж дене чонышкем шыкен. Кум кечаш семинарыш мийыме деч вара марий тюр студийым почаш кумылагынам. Кураторна Тамара Викторовна Дмитриева лийын. Тудо мемнам, ялысе тувыра пөрт вуйлатышевлакым, тюрлө вере коштыктен. Мастар-влак дене палыме лийын, марий тувыр-шамычым ямдылымым ончен, ожнысо марий тюррын вийжым шижынна, – ойла Эрик Иванович.

Кажне тюр момгынат ончыкта, аралтышлан шотлалтеш. Мутлан, азам пукшышо самырык удырамашын тувырысо тюржым (чызорол) пөръен вургемеш тюрлаш ок лий. Урвалтысе тюр кыдаллан келшен ок тол. Вуй, туп, ваче аралтыш-влак шке верыштышт лийшаш улыт. Тидым Э.Бусыгин раш пала.

– Марий тюр – келге философий. Кажне гана шымлен, шукырак да шукырак пален налат. Айдемын могай кун-



«Айвика» кружок

«Унавий» студийыште тувырым гына огыл, шовычым, ончылсакышым, шовырым, солькым, шымакшым да моло тюрлө вургемым ыштат. Алефтина Ивановна ден Ольга Павловна йоча-влакым «Айвика» кружокыш чумыренит.

– Удыр-рвезе-шамыч марий тюр нерген палышт,

тюрлаш кумылагышт манын, кружокым почынна. Тышке 9-13 ияш йоча-влак коштыт. Арняште кок гана погынена, – палдара Алефтина Ивановна. – Тюрлызö лияш куштылго огыл. Тошто марий тюррым пырче семын поген шинчман. Имым йонгылыш шуралат гын, тюрлаш йөсö. Тюрлаш чытыш, тюткылык кўлыт. Эн ончыч марий йўла, тўрын мом ончыктымж дене палымым ыштена, вара гына пашалан пижына. Пеледышым гладь дене тўрлена, нершовычыш узорым ыштена. Икмыняр ўдырын кидше лывырген шуктен. Теве Алиса Бусыгинан (снимкыште) пашаже ятыр погынен.

«Айвика» – лектышан кружок. Тыште йоча-влак тыгак марий модыш нергенат пален налыт. Кидпашам ыштыме деч вара вуйлатыше-шамыч нуным тамле чес дене сийлат. «Шылтыме шергаш», «Кö эн писе?» модыш-шамыч дене модаш утларак кумылан улыт.

Уста тюрлызö-влак Лажьял школ дене пентыде кылым кучат. Тунемше-шамыч дене вашлиймашым эртарат. Йоча-влакын тюрлымö арверыштым ончерыш чумырат. Пашаштым тюрлö конкурсыш колтат. Удыр-влакын сенгымашышт Алефтина Ивановна ден Ольга Павловнам кажне гана куандарат.

Е.ИВАНОВА.

Россий Федерацийысе цифровой вианмаш, связь да массовый коммуникаций министерствын окса полишыж дене лукмо.

Марий семўзгар

Тöтыретпучым ожно тушман керылтме але вес азап годым пуалтеныт. Кызыт концерт, пайрем тўналтыште веле кучылтыт. Семўзгарым нöппö, лўмегож, писте гыч ыштат. Тидлан 100-150 сантиметран вияш укш кўлеш. Тудым пелыгыч пўчкыт, кöргыжым эрыктат. Кок ужашым иктыш ушаш кумыж полша. Лопка ан 10-18 сантиметран, агысыр мучашыже 3-6 сантиметран лийшаш улыт. Тöтыретпуч пөръен семўзгарлан шотлалтеш. Тудым пуалташ шодо сайын пашам ыштышаш.



Пеледыш коклаште

Сөрал пеледыш дене темше кугу кудывечына чоннам ятыр ий куандара. Эрдене эрак шинчатим туржын лектат – шонанпылым ужметла чучеш. Тыгодым кумыл кавашке нөлталтеш, шүлыкеш шула.

Пеледыш-влакым эртен кайыме годым нуно сўанватын ленчешкажла йыли-йули койыт. Кў да кермыч дене ыштыме латкок клумбышто тулшолла волгалтыт. Тиде ковам ден авамын чурийышт. Нуно пеледыш коклаште пашам мўкш гай ыштат.



Даша СОШИНА.

Морко, Купсола.



Фотом еш эр гыч налме.

Сөрал вер


Каныш Кечын Чебоксар олашке мийышна. Юл энгер серыште коштмо годым Шем теңызыште улмыла чучо. Канде вўд, мардежеш толкыналтын, серым лупша. Йоча ден кугыен-влаклан капкылыштым шуараш площадке-шамыч улыт. Олан рўдыверыштыже мо гына уке?! Ефремов купеч бульварыште онай памятник шога. «Комыт улыт?» – авам деч йодым. «Двенадцать стульев» романын геройжо-влак Остап Бендер ден Киса Воробьянин улмаш. Чебоксарыш толшо кажне турист ты пўкеныш шичде огеш кай, очыни. Мыят веранде шым чыте **(снимкыште).**

Артём ИВАНОВ.

Йошкар-Ола, 24-ше №-ан школ.

12 август – Слонын тўнямбал кечыже.

Сўретым чиялытза.



Палаш онай

- ➔ **Слон кандаш** литр вўдым хоботшо дене иканаште налын кертеш.
- ➔ **Шагатыште кок-куд километрым** иеш.
- ➔ **Хоботшо дене икмыняр тўрлө йўкым** луктеш. Икте-весыштым 10 километр тора гыч колыт.

2 сентябрь. Туныктышо икмыше классыште тунелше-влак деч йодеш:

– **Иктаж-могай йодышда уло?**

Мичу:

– **Мария Ивановна, каникул кунам тїжалеш?**



А. Житковский
ПОСАДИТЬ ДЕРЕВО 12+
Шутка в одном действии

25 августа 18:00
Театр Шкетана

Реклама.

«Ямде лий» газет
Тўнг редактор олмеш
Х.Г.АЛЕКСАНДРОВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: Мари́й Эл Республикысе культу́р, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.
Газетым редакцийыште погымо да верстатлыме, «Мари́й Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+ Печатьыш пуымо жап – 14-00, фактически – 13-00
Авторын да редакцийын шонымышт тўрлө лийын кертят. Серыш-влак мөнгеш огыт колталт. Ак – кутырен келшыме почеш.
Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20-шо порт. Тел. 8(8362) 45-22-82(факс)



Конкурс

**Йўлам арале –
тўвырам
пойдаре**

**Аня, Илья, Руслан АНДРЕЕВМЫТ –
коча-ковашт дене пырля.**

Кужэнгер, Тошто Йўледўр.



**Ксения ПЕТУХОВА.
2-шо номеран Шернур школ.**

**Сланец-шамычын мужырыштым
муза. Могайын мужыржо уке!**




Пунктир линий-влакым ушыза.



Шотлыза:



**Шылтыме цифрым
пален налза.**



Тушто

**Шулдыр деч
посна –
чофешта,
парус
деч
пос-
на –
иеш.**



**10 ойыртем
муза.**



Интернетесе сўрет-влакым кучылтмо.